

IV – OBAVEZA OSIGURAVAČA

Član 4.

Osiguravač se obavezuje da će korisniku osiguranja u skladu sa odredbama Uvjeta za osiguranje isplatiti naknadu iz osiguranja i to:

- Osiguranu sumu za slučaj smrti uslijed nezgode ukoliko je uslijed nezgode nastupila smrt osiguranika;
- Osiguranu sumu za slučaj smrti uslijed bolesti ukoliko je nastupila prirodna smrt osiguranika;
- Osiguranu sumu za slučaj invaliditeta ukoliko je uslijed nezgode nastupio potpuni 100 % (posto) invaliditet osiguranika;
- Postotak osigurane sume za slučaj invaliditeta koji odgovara postotku djelimičnog invaliditeta (prema tabeli za određivanje trajnog gubitka opće radne sposobnosti uslijed nesretnog slučaja sa oznakom TAB-inv-NE 09-9-bh);
- Dnevnu naknadu za boravak u bolnici uslijed nesretnog slučaja – nezgode;
- Naknadu/povrat troškova liječenja, ukoliko su nastupili stvarni i nužni troškovi liječenja uslijed nesretnog slučaja-nezgode do ugovorenog iznosa po priloženim računima.

V - PREMIJA OSIGURANJA

Član 5.

Ugovorena premija osiguranja iznosi po svakom zaposleniku 23,00 KM. Ukupna premija osiguranja za 65 zaposlenika iznosi 1,495.00KM (slovima: hiljadučetristotinepet KM). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje radnika od posljedica nesretnog slučaja (nezgode) izdati će se polica osiguranja u skladu sa ovim Ugovorom. Ugovarač osiguranja se obavezuje da će dostaviti spisak osiguranih osoba. Početno brojno stanje uposlenika je jednako brojnom stanju na dan zaključenja police osiguranja.

Ugovarač osiguranja je u obavezi da pismeno obavjesti pružaoca usluga o personalnim promjenama ili promjenama brojnog stanja uposlenika u toku trajanja osiguranja. Shodno navedenom, Osiguravač će obračunati i fakturisati naručiocu mjesečnu premiju osiguranja u skladu sa stvarnim brojem uposlenika za određeni mjesec po dostavljenom spisku od strane Ugovarača osiguranja.

VI - NAČIN PLAĆANJA PREMIJE OSIGURANJA

Član 6.

Premija kolektivnog osiguranja uposlenika od posljedica nesretnog slučaja - nezgode fakturisati će se od strane pružaoca usluga u ratama u skladu sa izdatom policom osiguranja. U slučaju promjena broja uposlenika, izdate mjesečne fakture osiguranja prilagoditi će se stvarnom broju uposlenika prema dostavljenom spisku promjena od Ugovarača osiguranja.

Ugovarač se obavezuje da izvrši uplatu svake ispostavljene fakture u roku od 30 (trideset) dana od dana ispostavljanja iste.

VII – OSTALI OBLICI OSIGURANJA

Član 7.

Ugovorne strane su saglasne da će sve ostale oblike osiguranja, Osiguravač i Ugovarač usluga, zaključivati u slučajevima kada je za to zainteresovan Ugovarač.